

王

劍

尊

聞

玉劔尊聞 卷之二

常山梁維樞撰 獬子清寬校

言語

高皇帝 帝朱姓初諱興定諱元璋字國瑞本濠州鍾

離東漢人世居沛徙句容渡淮居泗濱累世積仁

厚隱約田里至帝起兵爲右丞相封吳國公奉爲

吳王北取中原卽皇帝位建國號曰大明改吳二

年爲洪武元年都應天府二十六子建文君卽位

謚高皇帝廟號太祖

命周元素畫天下江山圖於

便殿壁元素曰臣粗能繪事天下江山非臣所諳  
陛下東征西伐熟知險易請規模大勢臣從中潤  
色之帝卽援毫左右揮灑畢顧元素成之元素曰  
陛下江山已定臣無所措手帝說

楊豫孫

字幼殷華亭人進士仕至僉都御史巡撫湖

廣與徐學謨

學謨字叔明嘉定人成進士官至禮

部尚書爲人彊毅有執與之談理微事響應捷出

雜以諧語工爲詩文直據自得當世詞人樹壇站  
者不一置諸曉馮元成嘗稱爲孤出獨樹著海隅  
集歸有園稿世廟識餘錄

在禮曹俱爲大宗伯吳

山所倚重

山字曰靜高安人登進士及第授編修

官至禮部尚書兼學士贈太保謚文端

一日侍飲

吳曰聞二君守官甚清苦吾歲受朝廷大俸及厚  
資故外來書帕一切謝絕二君祿薄一家俯仰所  
係凡饋遺無害於義者亦不宜峻拒徐曰郎中不

受饋遺豈專畏老先生知耶楊曰官有大小人無  
大小人以為徐語露圭角不若楊之恬穩

當時語

曰禮曹二清郎前徐後有楊後皆至顯位皆以富  
厚敗名

陸文定

陸樹聲字與吉華亭人舉會試第一官至禮

部尚書賜告乘傳歸皇太子立遣官存問於家時

九十五歲矣跨馬郊迎詔旨觀者夾道指目以為

天人卒贈太子太保謚文定初試南宮時郡守王

華夢謁帝庭庭下數百人羅拜口舉善人曰陸州  
聲守覺而異之語人曰此君冥行通神明他日祿  
位名壽必皆第一至是果驗居恒言士大夫於世  
法中惟廉取薄享可續壽命之原何從更慕長生  
爲也故運烝服食諸術一切謝絕而坐享期願學  
者尊之爲平泉先生弟樹德子彥章皆成進士歷  
顯位父子兄弟以遠聲利樂恬退爲家法  
稱說古

人成敗得失及本朝掌故卽二三百年官爵里居

歲月姓字滾滾不爽毫髮使聽者慨然踴躍若撫其會

王履吉能爲雅言言不及猥鄙

國寶新編曰王寵字

履吉吳縣人貢入太學文學藝能卓然名家清吏恬曠與物無競人擬之黃叔度

文皇帝

帝諱棟太祖第四子封燕王國北平建文元

年起兵靖難建文君遜位去收明年爲永樂元年二十二年征胡崩於榆林川謚爲文皇帝廟號太

宗嘉靖中改廟號成祖

召楊士奇問東宮果何如

士奇以孝敬對帝曰此子道當然士奇曰古聖賢亦皆盡其當然者耳

士奇江西泰和人舉文學以

編修入內閣典機密歷少師兵部尚書兼華蓋殿

大學士卒贈太師謚文貞士奇性廉介樂簡靜居

官好獎掖士類論事必當大體或問士奇平昔所行曰不能爲善亦不爲惡也

陸純孫彥先問陸龜蒙

別見

散人傳有心散意散形



散神散可屬對否幼于

張幼于名獻翼字叔別字

幼于長洲人自謂不可無一不可有二因號可一

居士以布衣老任俠好奇率真獨詣嘗攜妓令來

馬手自控之

應聲曰不聞元結殊亭耶

唐元結字

次山河南人德秀弟舉制科蘇源明薦其可用擢

金吾將軍代宗立辭去侍親樊上自稱漫郎

人殊

跡殊才殊行殊又曰三才天地人可對乎爲間曰

四詩風雅頌曰尚有可對否曰大脉寸關尺

雷何思

雷思霽字何思夷陵州人登進士官檢討問

鍾伯敬

鍾惺字伯敬景陵縣人登進士官行人僊

仰郎署衡文闔海善屬詩文愛奇尚異爲當世師

法

膽識孰先鍾曰膽到處亦能生識雷曰恐當是

識到處方能生膽鍾曰初無先後但到處自能相

生耳

成祖欲易儲召帷幄重臣決之諸臣未對解縉曰好

皇孫由是仁宗

帝諱高熾成祖長子改元洪熙謚

昭皇帝 儲位遂固 縉字大紳吉水人年十四登進

士授中書庶吉士上封事萬言又上太平十策素  
與兵部尚書沈潛不合潛奏縉入部堂與胥吏嬉  
慢非體除御史爲夏長文作劾都御史袁泰疏又  
爲王國用草雪李善長冤疏得罪歸高皇帝崩縉  
非詔旨赴臨謫河州衛吏建文初召爲翰林待詔  
文皇帝正位授侍讀入內閣辦事拜大學士坐廷  
試讀卷不公罪出爲廣西叅議旣而禮部尚書李

至剛奏縉怨望改交趾入京奏事時車駕北征皇太子監國縉謁見徑歸漢王高煦譖縉私覲儲君竄化州縉上言鑿贛江上怒逮詔獄死初縉與黃淮兩家俱有孕文皇帝命指腹爲婚縉生子淮生女後縉子戍邊淮欲離婚其女斷髮自誓曰薄命之聘皇上所規定也誰敢易之縉子赦還遂爲夫婦畜德錄云縉應制題虎顧衆彪圖曰虎爲百獸尊誰敢觸其怒惟有父子情一步一回顧文皇帝

三  
大有感卽命迎太子于南京

世廟登極之日

帝諱厚熹睿宗第二子初封興王正

德十六年人繼大統卽帝位改明年爲嘉靖元年

四十五年崩謚肅皇帝廟號世宗

御龍袍頗長俛

視不已大學士楊廷和奏云陛下垂衣裳而天下  
治上悅

太祖問朱善卿家豐城鄉里人物何如

善字備萬明

初授教授召赴京師廷試第一授修撰奏對失旨

還鄉復召赴京授待詔擢文淵閣大學士

答曰鄉

有長安長樂里有鳳舞鸞歌人有張華雷煥物有

龍泉太阿

晉張華字茂先范陽方城人學業優博

圖緯方伎之書無不詳覽贊代吳功成封廣武侯

儀禮憲章多所損益詔誥多所草定進侍中卒之

日家無餘貲惟文史溢几篋耳所著有博物誌煥

妙達緯象晉武時斗牛間常有紫氣華問煥何祥

煥曰寶劍之精上徹於天在豫章豐城華卽補煥

爲豐城令掘獄得二劍自佩太阿送龍泉與華後  
煥子持劍過延平津劍躍水見二龍各數丈長而  
去煥子曰先公化去之言張公終合之說其信乎  
弘治中遠使舉一語曰朝無相邊無將氣數相將無  
能對者李西涯聞之卽口占令應之曰天難度地  
難量乾坤度量

肅皇帝在西城召太醫令徐偉診脉偉進殿蒲伏膝  
行上坐小牀龍衣曳地偉不敢以膝壓衣奏曰皇

上龍衣在池上臣不敢前上遽以手摳衣出脫而  
診偉出上賜內閣手札曰地上人也地下鬼也偉  
適稱衣在地上足見忠愛賞賚甚厚

王廷陳語人僕上不慕古下不屑俗爲疎爲嬾不敢  
爲狂爲拙爲愚不敢爲惡高竹林之賢而醜其放  
晉竹林七賢嵇康阮籍山濤向秀劉伶阮咸王戎  
懷三閭之忠而過其沈

屈原名平別號靈均仕楚

懷王爲三閭大夫謀行職修王甚珍之同列靳尚



革妬害其能共譖疎之乃作離騷冀君覺悟襄王  
立復用讒謫原江南原作漁父諸篇見誌遂自沉

汨羅江

智鴟夷之逝

范蠡吳人爲越大夫事勾踐

滅吳霸越遂變姓名扁舟五湖號鴟夷子皮之齊

爲陶朱公後不知所之

而汚其富

廷陳字雅欽黃

岡人生有異質不甚讀誦而搦管爲詞賦汨汨千

餘言不輟少舉進士改庶吉士出爲知州罷歸性

澹弛豪蕩少檢制語不類爲人其巧飾矯附若此

政事

富平孫家宰

孫丕揚字叔孝陝西富平縣人登進士

累遷吏部尚書高亮清正有識鑒

在位日諸進士

謁選齊往受教孫曰做官無大難事只莫作怪

文文起

文震孟字文起長洲縣人高祖林温州知府

曾祖徵明翰林院待詔祖彭國子監博士父元發

衛輝府同知俱有尚名震孟生有異質廷試第一

歷官禮部左侍郎東閣大學士端諒易直與弟震

亭辭章書法冠絕當時

嘗語陳明卿曰圖治之道

察於事則愈察而愈細研於理則愈研而愈精蓋  
細則煩而精則簡用形用神之別也若然不必左  
顧右盼曲防壅蔽之虞而坐致蕩平

陳仁錫字明

卿長洲縣人廷試第三

章楓山

章懋字德懋蘭谿人舉進士累官南京禮部

尚書卒贈太子太保諡文懿性寡嗜欲辭受取于  
出處去就一於道義屢解官歸家讀書講學學者

稱曰楓山先生爲編修時與同官黃仲昭莊景上  
章諫朝廷張燈左遷知臨武縣時修撰羅倫亦以  
言事坐貶時人稱爲翰林四諫

南監祭酒日始蘇

尤樹母病據例不得歸省晝夜涕泣楓山許之歸  
或以爲言楓山曰吾寧以違制獲罪不忍絕其母  
子之情

庚戌寇變九卿及部屬分守九門上使人密視皆張  
燈睥睨獨萬恭守地無燈

恭字肅卿南昌人官至

兵部侍郎

上使問何故萬於案下揭籠燈示之曰  
凡人目於暗中能視明明中不能視暗臣慮寇有  
梯城者故藏火於籠令守者從暗矚之非無燈也  
萬由此見知

陳寧

初名亮茶陵人仕至御史大夫高皇帝吳元年

自中書省叅議出知廣德歲大旱奏免租弗允寧  
躬赴闕上言天災民饑催租太急是爲張士誠驅  
民也上曰爾膽大敢爲此言耶竟從之

爲松江知

府嚴烈人呼爲烙鐵

夏忠靖

夏原吉字維喆湘陰人鄉薦仕至少保戶部

尚書卒贈太師謚忠靖平生與物無忤遇事明敏  
奮發歷事四朝始終四十餘年未始一日離計相  
之任內難始定多事紛紜國無乏絕之憂民享和  
平之福其間兼他官釐別務總理諸司之事與聞  
機密之政隨事獻忠一時大臣稱兼德量氣節學  
術才能者以原吉爲第一  
云處有事當如無事處

大事當如小事若先自章皇則中便無主

郭南作常熟令民獻軟栗南食而甘之乃亟命種者

悉拔去云異日必有以此進奉害民者

南字世南

鄞人時推能吏

徐文貞

徐階字子升華亭人廷試第三位至少師吏

部尚書建極殿大學士卒贈太師謚文貞階舉甫

一歲婢抱墮臂井出之絕矣越三日蘇五歲陟括

蒼嶺復墮深壑衣絰於樹卒得不死既長短小白

哲秀科目善容止議論語言不虛誕不固陋亦迎  
縷解應荅無滯令人注神傾意在政地當天多  
故比肩嚴嵩左機右弼卒以忠誠恭謹卻曲委蛇  
于棘刺鋒刃中終令覆餗再收隄風斯挽嘉隆之  
間天下如濯爲文有根柢嚴於法度孫元春舉進  
士階戒之曰無競之地可以遠忌無恩之身可以  
遠謗咸謂名言  
語馮元成云吾於六部不與權耳  
寧有不與議若不與議則聖主所簡在者謂何而



徒餽歎也

馮時可字元成華亭人父恩大理寺丞

建言樹節名聲震動天下時可少舉進士勤學工詩文仕朝獨立耿耿歷廣東嶺西道僉事

丁賓爲句容令當歲大歉輟輿簡從徧歷下戶噢咻勞來至一舍進麥飯棘口賓飽嘗而倍酬之比過其鄰出白粲新韭賓歎曰胡不均乃爾責其人分五斗遺進麥飯者

賓號改亭嘉善縣人舉進士官

至左司空寡欲少私清淨寧一

王元敬

字廷臣山陰人成進士累官兵部右侍郎與

兄元春一時顯融著名譽

李涑

字原甫贛州人進

士擢第初仕寶應令父至寶應視涑囊無金市肉  
父子共薇蕨而食累官中丞撫江南勸米弊如寶  
應郭相奎嘗言今天下稱清德者不乏而情貌相  
副始終一致則惟李中丞彭方伯爲之領袖方伯  
者彭應時也  
前後撫江南王持重安靜不擾李精  
敏沈毅人謂王爲祥鳳李爲神龍

王百穀

王穉登字百穀晉陵人流寓姑蘇舉諸生入

太學右相袁文榮薦直史館資性卓異鑄辭務去

舊常砥礪節義袁文榮死客多匿避穉登獨爲之

經紀其事遠近慕之五十七載先治生壙自撰誌

於是自號廣長菴主

嘗譏陸太宰好用嚼菜啖菽

之流何以弘濟時艱陸不與辯

陸光祖字與繩平

湖人祖淞光祿鄉父杲刑部主事成進士初爲瘠

縣令白鹿州知物論稱之後至吏部尚書推進賢

才培植善類大破一時拘攣之格曰何可使進士  
科獨重使他途懷才抱德者不得自表見耶留心  
內典得其精微卒贈太子太保謚莊簡

劉纓

別見

爲監察御史按閩民有隨母出嫁者刲股

療繼父疾有司以孝聞纓判曰棄本姓而冒他姓  
義已不明虧父體以濟父讐孝則安在衆服其明  
識

馮元成云梁公爲大司馬使四司郎中各舉并鵬十

五人以備推擇費堯年等

堯年字唐衢鉛山縣人

舉進士歷太僕寺卿

皆謝不敢時可口占十餘人

梁甚悅曰君真豪傑哉吾輩以實心事主何形跡  
嫌疑之爲昔溫公作相欲除諫官問於伊川

程頤

別見

數次伊川終不爲對溫公對人歎曰薦賢爲

國豈爲私伊川過存形跡如此若明道

程頤別見

則無此事矣於此感君相信後數日次第陞補俱

盡

吏部誌曰梁夢龍字乾吉號鳴泉真定人少行

詞藻舉進士歷史科都給事中著鯁直聲仕至吏  
部尚書倪元璐稱夢龍爲太宰銓綜萬流無蹊有  
鑑及卒越南星表夢龍在國則爲忠臣居鄉則爲  
善人贈少保夢龍性至孝居喪過禮有文武幹臨  
事務實儀容峻整風彩照物談笑則聽者忘倦能  
知人好獎拔士友得其延譽率多顯名請骸歸得  
雕橋莊水周舍下花塢竹洲嘯詠終日

王忠肅

王翺字九臯鹽山人舉進士官至吏部尚書

太子太保卒贈太保謚忠肅翺瑞方清白任吏部  
推轂北人爲多至姚夔反翺徃徃右南人清譽卒  
不及翺居第三十餘年不改於舊

治訟專行贖罪

法雖人命亦然曰償命無益死者之家而財或足  
以濟其用有指揮因漏關鞭戍卒至死其妻女相  
繼哭死他卒被鞭者訴指揮殺一家三人王曰卒  
死以罪妻女死於夫非殺也令償葬埋費

舊寧王府

寧王國南昌宸濠謀逆國除

鶴皆有紅牌

擊頸皆飛出爲民間狗嚙死送南昌府問罪世太  
守批云鶴雖有牌狗不識字民得免罪

于謙爲兵部尚書寇時時犯西北邊貴州苗大起二  
廣四川復用兵警報旁午謙目視指屈口爲奏二  
吏從旁錄錄常不及

謙字廷益錢塘人登進士授

監察御史章皇帝命廷數漢庶人罪稱旨擢兵部

右侍郎睿皇帝陷於寇邨王卽位進尚書拜總督  
內外諸軍加少保謙感上知遇盡忠報國睿皇帝



復辟石亨張軾徐有貞誣以迎立襄王罪死田駿  
行伍無弗哭者且曰驚鷺水上走何處尋魚兼純  
皇帝立復爵謚肅愍贈太傅立廟于孫世爲千戶  
勿絕

伍袁萃

長洲人成進士位至廣東副使登籍五十年

強半里居好譚時政出已見爲棄取以此獲譏於

世

與楊公言做人須看得人重做官須看得官輕

輕其可重必決道義之坊重其可輕必蹈貪鄙之

輟楊曰爲一已輕富貴當看得官輕爲國家持紀

法當看得官重

尚論錄曰楊漣字文瑞應山人登

進士第爲給事中顯皇帝後疾力擁佑太子貞皇

帝崩復趣李選侍移宮歷都察院左副都御史劾

奏逆閹魏忠賢二十四大罪拷死詔獄崇禎初既

修閹子之易詰闕訟免贈左都御史謚忠烈漣少

與陳愚結交以豪傑相期許常倚柱而嘯畫地而

書狂呼慟哭人莫能測其爲人孝友廉潔公忠誠

三  
篤風裁峻拔明白洞達及身登顯列高亮慷慨守  
正擊奸致命遂誌之死不悔

陸莊簡令濟濟盧枏字少輓才高好古文辭時時大

飲飲醉輒弄酒罵坐客王世貞治獄大名把臂爲  
布衣飲恨相見晚竟用嗜酒病卒

以得罪前令久

諭死枏故人謝榛走長安白枏枉狀榛字茂秦山

東臨清人一日夢工詩冥搜苦索至徹日夜不寐

自號四溟旅人爲李攀龍王世貞輩所重

十餘年

無敢任者陸立出之御史故難陸曰若不知枵富  
耶陸正色曰獄果當也陳仲子無生理不者石尉  
何避焉

周文襄閱一死獄欲活之無路形於憂嘆使吏抱成  
案讀之背手立聽至一處忽點首喜曰幸有此可  
生遂出其人

周忱字恂如吉水縣人登進士自陳

入翰林讀書歷刑部主事員外郎長史工部右侍  
郎巡撫南直隸陞左侍郎尚書在南直隸凡二十

二年盡心職事謀慮深長善采衆論徵輸皆有常度貢賦未嘗稽欠爲士民所懷沒謚文襄

章溢

溢字三益龍泉人天下亂結廬匡山上自號匡

山居士高皇帝東帛召溢與青田劉基麗水葉琛

金華宋濂同至建業擢溢僉營田司事歷僉事副

使拜御史中丞兼太子贊善大夫

爲御史中丞務

存大體不屑細故或以爲言章曰憲臺百司儀表

居其職者當先養人廉耻使避而不犯豈直恃搏

擊爲能哉

何喬新曰一日不讀書便覺於政事間有窒

喬新字

廷秀廣昌人父文淵吏部尚書喬新少穎敏過人  
登進士歷官刑部尚書自初仕卽自誓不營利不  
阿權貴不以愛憎爲賞罰守其誓終身問學深邃  
聞人有異書輒假錄之視事公退手不釋卷卒贈  
太子少傅謚文肅

陳有年典選

有年字登之餘姚人父克宅右副都御

史有年登進士歷官吏部尚書卒贈太子太保謚  
恭介爲人正直細行必慎清節聞於天下好讀古

書  
**趙公爲主事**

姚希孟誌曰趙南星字夢白高邑

人成進士歷推官戶部主事入銓司剖露良心直  
陳時務主大計精心叅酌有蟲巢於耳繭成而不  
自覺楊出時人稱其公明以彊執忤貴人廢逐  
居三十載閉戶著書愍皇帝初起出間擢都察  
都御史遷吏部尚書奮力任事以澄清爲

升引善類外斥害壬忌者魏廣微傳樞張內〃僞  
附魏忠賢誣賊皮死于清衛外孫王鍾雁皆遭通  
撫崇禎登極贈太子太保謚忠毅生平循舊德急  
窮交白見冤抑噓掖後進若斷脰戡胸有益同誌  
崔躍從之精舉業工古文詞歌詩能以文相人一

日陳問趙曰僕不敏必多過失幸教之趙曰人惟  
清淨日復一日安得有過陳笑曰是謂我不作事  
也因議起用海瑞何以尚諸公

瑞字汝賢瓊山人



以鄉舉歷南平教諭謁上官止長揖平立曰吾師  
席也可屈膝乎兩訓導夾瑞而跪時謂筆床博士  
進淳安令奉法字下陞戶部主事慷慨言天下大  
計下詔獄莊皇帝旣立出獄還官累官南京都察  
院右都御史卒贈太子少保謚忠介瑞嘗論欲天  
下太平惟有井田一法世人以爲迂濶瑞撫三吳  
竟以奪富民田府憲何以尚隆慶 著鳴皋集

王伯溫

字汝厲吉水人祖超知府父榮布政司經歷

溫第進士歷推官御史練習智達激揚有方天下婦人孺子談希奇事必曰是山毛御史累遷兵部尚書善任人有所咨詢虛已相下氣宇沈緩剖疑折奸聲氣不露嘗言兵貴精不貴多又言兵不用命以法令太寬上無節制故也人以爲確按楚廉察民害自矜無遺類而往往有漏網者有諷之者云洞庭昨夜浪滔天處處漁翁罷釣船今日鄰家邀我飲盤中依舊有魚鮮

高新鄭掌銓吏呈鴻臚序班十條當轉高曰都與倉大使吏白無此例高曰我今日是例

高拱字肅卿

新鄭人祖魁繕部郎中父尚賢光祿少卿兄捷僉都御史拱成進士改翰林院庶吉士授編修累遷禮部尚書兼文淵閣大學士忝預機務兼理吏部事拱行誼剛方事業光顯視吏部事賢否不消黜陟允當儲才備邊籌畫封貢疆圉晏如進中極殿大學士卒贈太師謚文襄

朝鼓敝禮部欲移文淮安造鼓而難於措辭時况鍾  
爲郎奮筆曰緊紉密釘晴雨同聲一時傳播

鍾字

伯律靖安人禮部尚書呂震舉爲禮部主事歷郎  
中蘇州知府鍾爲知府覈吏除弊賑農免糧敘差  
置簿綜理周密簡約易行廉潔方正士民悅感留  
蘇州七年卒市巷哭送其喪立祠以祀有鄒亮者  
獻詩於鍾鍾極稱賞欲薦於朝有以匿名書數亮  
過失揭府門鍾曰彼沮吾薦正速成亮名耳遂奏

亮才學可用後亮爲御史果以剛直致譽

何文淵守溫州有兄弟惑於婦言爭財構訟何判云  
祇緣花底鶯聲巧致使天邊雁影分兄弟泣謝退  
修親睦之行

文淵字巨川年七歲群兒竊瓜果以

奉文淵曰童稚之年詎可習爲盜哉識者歎其不  
光登進士拜御史考四川吏治時四川旱所臨郡  
邑輒雨人謂御史雨歷知府擢刑部侍郎上封事  
者言民之盜竊者多絞刺之刑不足使之懲創自

今犯者宜扁其門曰竊盜家文淵言律有常憲況在京及各處爲盜者多若盡立牌額四方往來之人觀瞻實傷治體乃寢其令終吏部尚書晚號鈍菴著述多行於世

徐有貞好習兵法及刑名水利諸家言於天文風角占驗尤精究不倦人或謂公職業在文字事此奚爲徐笑曰此孰非儒者事使朝廷一日有事用我輩而後習之則已晚矣

有貞初名理字元玉吳縣

人短小精悍目光炯炯注射穎敏絕世舉進士選庶吉士歷編修御史諭德久不遷改今名乃進僉都御史治河嘗欲築一決口下木石若無者沉思竟日而始悟曰此其下有龍穴龍惜珠錢能蝕珠於是鑄長鐵柱同鬴底貫而下焉龍一夕徙而決口塞進左副都御史迎太上皇於南宮進兵部尚書兼學士直文淵閣華蓋殿大學士封武功伯御史楊珣札石亨亨訴於上謂有貞李賢實使之下

獄謫叅政亨復訴又逮歸置獄窮極鍛鍊無所  
而摘其誥詞續禹神功語謂爲有貞自草坐大逆  
不道當死以雷震奉天門省爲黔首發金齒安置  
放浪山水間以詞翰著聲棒法絕倫

周文襄有一冊記日行事纖悉不遺每日晝夜陰晴  
風雨亦必詳記人初不知其故一日民有告糧船  
失風者文襄詰其失船何日何時東風西風其人  
妄對文襄語其實詐遂不行



朝堂審囚中有毆妻死至大辟尹直曰人以無子娶  
妾遭妻悍忿毆死初恐絕嗣今顧絕其命耶世之  
妬婦陵夫以絕人祀者且長氣矣衆翕然書可矜  
得不死

直字正言泰和人生七歲馳馬折肱宗伯

蕭仰善見之戲曰折肱緣墮馬直應聲曰舉步便  
登龍蕭奇之舉進士累官吏部侍郎翰林院學士  
入內閣加兵部尚書長身雄辯熟於典章與方士  
李孜省謀起大獄所著瑣綴錄人謂是非謬鑿

耿文恪爲太宰除進士六人爲王府長史

耿祿字好

問盧氏人父九疇南京刑部尚書監清惠祿登進

士選庶吉士授給事中累官至吏部尚書器度弘

曠卒贈太保謚文恪

六人不平同詣部堂爭辯不

肯就耿安慰之衆愈侵侮侍郎吳文定

吳寬字原

博長洲人試大廷第一授修撰好古力學於所居

治園亭雜蒔花木退朝執一卷哦其中良辰佳節

爲具召客分題聯句爲樂累進禮部尚書兼學士

卒贈太子太保謚文定

正色曰諸子亦聞董賈乎

二人曾爲王傳名高百世諸子厭棄斯職詆毀主  
司豈仕可從人自擇耶因謂耿曰諸生恣肆甚傷  
政體當奏處之明日疏上爲首者戍邊餘發充吏  
於是紀綱大振

漢董仲舒廣川人少治春秋下帷

講授三年不窺園圃以賢良對策爲江都相稱漢  
醇儒賈誼洛陽人爲博士時年二十餘一歲中超  
遷至大中大夫出爲長沙王太傅文帝召見宣室

因問鬼神事至夜半帝不覺前席拜梁王大傳上

治安策

鍾化民巡按山東詢訪境內民間八十九者召至

面加存問繪爲一圖中間九十以上者幾十人有

三代召見百年之遺化民仁和人官至僉都御史

巡撫河南

甘肅鎮甘州卽漢張掖郡肅州卽漢酒泉郡

缺總兵

官會推恭順侯吳瑾瑾字廷璋西涼人祖永誠永

樂中以戰功封恭順伯父克忠嗣爵洪熙初以戚  
里恩進侯禦寇戰死追封邠國公謚壯勇瑾英銳  
開武藝嗣爵率兵剿殺逆賊曹欽陣歿追封涼國  
公謚忠壯睿皇帝帝諱祁真宣宗長子正統十四

年北狩景泰元年還京居南宮八年復辟改年天  
順八年崩廟號英宗以問王公朝也如何王以爲

不可帝遽曰老王執拗外廷皆道此人好獨霸以  
爲不可何也王曰吳瑾是色目人甘肅地近西域

撒馬兒罕天方默德那

多回回雜處豈不笑我國

乏人帝撫掌曰還是老王有見識卽命另推

王端毅

王恕別兄

知揚州有二人爭牛王曰一牛而

二人爭之吾將焉歸盍以入官命左右曳出一人

默然一人喧爭不已王以與爭者曰此已物也故

恹惜如此人稱神明

范質公

范景文字夢章號質公吳橋人父永年南寧

守景文善屬文成進士清貞端亮內行醇備爲吏

部郎獎恬抑競旁求舊德時相魏廣微芟除異已  
景文侃侃與爭以病請歸起太常寺少卿擢都御  
史開府中州寇薄都城景文不待詔命帥師入塞  
立解京圍歷兵部侍郎工部尚書晉內閣大學士  
甲申流寇之變京城失守慷慨死節贈少師謚文  
貞爲東昌司李署其門曰不受囑不受餽人呼爲  
二不公

朱勝清守蘇州嘗言吏貪吾詞不付房獄卒貪吾囚

不下獄隸貪吾杖不輕決

王忠肅召爲冢宰舟次濟寧都水主事法以先後序過關雖貴官不得越僕夫怪之王曰彼立法安忍壞之至部調爲考功

王象乾

象乾字

新城人祖重光貴州叅議父之

垣戶部侍郎象乾具文武才弘厚出於天性成進士累官兵部尚書歟歷多在塞垣兵民愛若父母懷寇制勝天下倚重宇內稱名家則新城之王爲



宣府叅政知塞上粟將踊貴先借帑金二萬糴而  
息之凡再三得餉金三萬兩羨粟萬六千石朱國  
楨曰此所謂治國如家者

國禎別見

屠義英

義英字淳卿寧國縣人位至光祿寺正卿

督

學浙中持法嚴按湖時一生宿娼家保甲昧爽兩  
擒抵署門無敢解者門開攜以入保甲大呼言狀  
屠佯爲不見聞者理文書自如保甲膝行漸前離  
兩鼎可數丈屠瞬門役判其臂曰放秀才并倡去

門役潛趨下引出保甲不知也既出屠昂首曰秀才倡安在保甲回顧無人大驚不能言與杖三十荷校保甲倉皇語人曰向殆執鬼諸生咸唾之而感屠曲全士

王晉溪總制三邊時每一巡邊打中火費百金燒羊數頭凡物稱是晉溪用不數嚮盡撤去散與從官雖衆頭目亦皆沾及故一有警人人效命

湘陰縣丞劉英以生革爲鞭長三尺中夾銅錢撻人

至皮肉皆裂高皇帝聞之曰刑者不得已而用之  
聖人常加欽恤英酷虐至此獨不聞蒲鞭之事哉  
漢劉寬字文僥華陰人司徒崎之子性度寬仁桓  
帝時守南陽吏人有過蒲鞭示辱嘉平中拜太尉  
後封還鄉侯且律載刑具明有定制乃棄不用是  
廢吾法也逮戮於市

郭子章

字

號青螺泰和人進士終於兵部侍郎

有文義政績藹著

夏良心

良心字宗堯廣德州人

進士化至巡撫江西兵部侍郎贈尚書生平端肅  
沈毅言笑不苟雖閒居燕處父子之間嚴若朝典  
同爲左方伯郭得閩夏得江西郭問夏曰何以從  
政夏曰予有三速速收速給批速放夏問於郭郭  
曰予有六字一錠收原封放

陳善

字思敬錢塘人

爲滇右轄昆明旁山陽有田五

千餘頃地高苦旱善視石崖有泉可引溉而爲橫  
山所隔議欲鑿山通渠衆咸難之陳力任之矢衆

禱天經畫開鑿橫山水洞遂通民受其利名其洞  
曰惠濟立祠洞旁肖像祀之

玉劔尊聞

卷之二

王劔尊聞

卷之三

常山梁維樞撰

鍾子清標校

文學

王陽明

王守仁字伯安南京吏部尚書華子母鄭孕

十四月而生將誕之夜祖母岑夢天仙抱赤子乘

雲而至與之名曰雲生六歲不能言一日出戲於

門有老僧過以手摩其頂曰有此寧馨兒却被名

字叶壞了改今名遂能言幼聰敏性豪放不羈喜

任俠登進士爲兵部主事上疏乞宥給事中戴鏡  
諸公宦官劉瑾怒奏廷杖謫龍場驛承毅然有學  
爲聖人之誌講究體察良知之旨累遷左僉都御  
史撫鎮南贛平溪洞諸賊剿宸濠陞南京兵部尚  
書封新建伯卒謚文成詔天下從祀孔子廟庭陽  
明守仁號

倡明良知之學海內賢士信從羅整菴

潛心體究不苟附和著困知記以明其所自得

羅

欽順字允升泰和人賜進士及第累官至吏部尚

致仕居學古樓窮探理性言議精微衍與卒贈  
太子太保諡文莊整菴欽順號

王文肅爲史官時趙文肅呼與講學不應趙曰子薄  
講學乎王曰小子何敢然是故惡夫以氣稟嗜欲  
駕學問而行顯密不相權者趙曰何謂顯密王曰  
勝人之謂顯自勝之謂密語未終趙起躍然曰孺  
子可教

趙貞吉字孟靜內江人舉進士累官禮部

尚書武英殿大學士兼掌都察院事貞吉剛忠英



偉稱其氣貌銳意聖學持論以二氏學通吾儒必  
出世乃可經世家食居玉溪莊爲從遊者講學薨  
贈少保謚文肅

陳濟博學強記時稱爲兩脚書厨

濟字伯載武進人

有文才永樂初以布衣召修永樂大典爲總裁書  
成授右春坊右贊善被命隨侍五皇孫授經著通  
鑑綱目集覽正誤

與夫問明卿云文字如何做明卿曰有題目就做文

章輿夫曰若要文章字字在題目內真苦殺人

吳

國倫字明卿興國州人登進士官至叅政善屬文  
與李攀龍謝榛王世貞宗臣徐中行梁有譽齊名  
時稱七才子

楊椒山渡江

楊繼盛字仲芳號叔山容城人爲諸生

讀書僧舍諸僧病疫且甚同舍生俱亡去獨爲之  
親爨事問醫調藥餌僧以次愈時人異之爲語曰  
疫無鬼以爲不信視楊子舉進士除南京吏部主

王愈傳聞

事師事韓邦奇通其天文地理太乙六壬奇門兵陣樂律之學遷兵部員外郎疏斥仇鸞馬市議詔逮訊貶狄道典史累遷兵部員外郎嘗獨居深念至夜分妻張夫人問其故楊曰思報上恩耳夫人曰嚴相國方用事立君直言時耶楊不應疏論嚴嵩十罪五奸請召二王問狀詔逮訊杖百刑部當詐傳親王令古絞死西市莊皇帝御極贈太常寺少卿廕子應尾爲國子生謚忠愍

訪唐荆川因登

焦山戲題亭壁云楊子懷人渡楊子椒山無意合  
焦山地靈人傑天然巧瞬息神遊萬古開示荆川  
荆川讚述

唐順之字應德武進人祖貴給事中父

瑤知府順之登進士歷僉都御史善詩文尤精曆  
算居官尚節繫屬廉隅所言多奇謀偉畫學者稱  
爲荆川先生

蔡清憲公云自愛其詩文者貴少愛人之詩文者貴  
嚴必嚴而作者之精神始見必少而觀者之精神

與作者始合

蔡復一字敬夫同安人登進士仕至

兵部侍郎巡撫貴州謚清憲忠孝友愛出於自然  
事功詩文名貴不俗

陳睂公道楊崑阜詩

楊守勤號崑阜慈谿人中會元

復登狀元授翰林院修撰累官右庶子其人清雅  
溫潤酷似其文

金石俱鏗廉肉相準藹然仁人之

言粹然盛世之音

王弁州

王世貞字元美晚自稱爲弁州山人太倉人

祖倬南京兵部侍郎父忬總督薊遼右都御史世貞舉進士仕至刑部尚書性弘厚恬和博極羣書才氣雄偉著四部稿續稿別集

在爽鳩署中 爽鳩

氏司寇也 日與于鱗 李攀龍字于鱗濟南歷城人

成進士肆力文詞斐然成一家言歷刑部主事員

外郎郎中出守順德擢陝西提學副使乞骸骨歸

構白雪樓鵬咏其間起副使終按察使爲人素羸

頓趾爲色澤簡貴高亢操槩凜潔

手抄史記文選

各一部舉觥抽誦以記否爲賞罰

陳睂公嘗與山中友人談曰吾輩詩文無別法但最忌思路太熟耳昔王元美論藝止拈易所云日新之謂盛德余進而笑曰孫興公不云乎今日之跡復陳矣故川上之歎不曰來者而曰逝者人能覺逝者爲窠臼爲糟粕而肯戀戀於已嚇之腐鼠不靈之芻狗爲哉天馬地棧神鷹掣韉英雄輕故鄉聖人無死地彼於向來熟處步步求離刻刻不住

此謂真解脫此謂真喜捨此謂日知其所無右軍

萬字各異

右軍別見

杜少陵千首詩無一雷同

杜

甫別見

是兩公者非特他人路不由卽自己思路

亦一往不再往

晉孫綽字興公太原人博學善屬

文少有高尚之誌居會稽遊放山水作遂初賦嘗

鄙山濤曰山濤吾所不解吏非吏隱非隱若以元

禮門爲龍津則當點額暴鱗矣所居齋前種一株

松鄰人曰樹子楚楚可憐但恐永無棟梁日耳綽



曰楓柳雖復合抱亦何所施耶嘗作天台山賦成  
以示友人范榮期云卿試擲地當作金石聲范曰  
恐此金石非中宮商然每至佳句輒云應是我輩  
語綽性通率好譏調嘗與習鑿齒共行綽在前顧  
謂習曰沙之汰之瓦石不在後習曰鑿之揚之糠粃  
在前累選散騎常侍領著作郎大司馬和溫將移  
都洛陽綽上疏諫溫不悅曰致意與公何不尋君  
遂初賦知人家國事耶

辰玉

王衡字辰玉太倉州人大學士錫爵子也擢鼎

甲授翰林院編修攻文翰天下稱真翰林請終養

歸嘗有遊仙之誌

每讀書自首逮尾矻矻丹鉛雖

數百卷中苛細箋註不輕放一字眉公曰孔明畧

觀大意淵明不求甚解

陶潛別見五柳先生傳云

好讀書不求甚解

而子胡自苦爲辰玉笑曰卿用

卿法我用我法雖然讀書與立身相似要須有本

末非可苟而已也

陸文定嘗謂睂公曰細閱後生真有道欲談前事已  
無人此東坡贈文潞公詩也

蘇軾文彥博別見

若

必欲尋往人談往事彼此俱作無口瓠耳睂公曰  
然則晚年何以爲樂陸曰危坐焚香手不釋卷誦  
讀融液流而爲詩若文此亦晚年最樂之真境也  
徐文貞語陳睂公學而時習之何義陳對以不敢文  
貞云如國家有荒事卽就荒時察考荒事如有兵  
事卽就兵時察考兵事如有大禮大獄亦然此真

所謂時習也

王思任道

思任字季重順天府人大對年最少冠進

賢及其冠初日諸具爾或少之以狎進思任坐移

日悶如焉諸具爾相視笑亡敢輕排調自取不優

者矣能爲古文詞詩歌自具鏤鏘

每見睂老 陳繼

儒也

著作覺筆畫之外必有雲氣飛行又如白瓊

淡月非塵土胃腸可以領畧

陳大士

陳際泰字大士臨川人登進士歷行人善屬

文  
點次二十一史不踰三月

大士教人文云古削難者以爲泰山之巔非可成宮  
室其若高危何大士云奚必宮室獨不聞龍文五  
采仰在天上

羅玘 字景鳴南城縣人登進士改翰林院庶吉士授

編修工文辭數見諫諍累陞南京吏部侍郎

每有

撰造必棲踞於喬樹之巔霞思天想或時閉坐一  
室客有於隙間窺者見其容色枯槁有死人氣皆

緩履以出

桑悅

字民懌蘇州人穎悟博學凡讀書過輒焚曰旣

能憶矣何所川之收爲大言年十九舉鄉試試禮

部奇其文至闕道統論則曰夫子傳之我縮舌曰

得非江南桑生耶斥不取調邑博士終柳州倅詣

謁部使者書刺曰江南才子桑悅拜使者大駭已

問知悅素迺延之校書而預刊落以試悅校至不

屬卽索筆請書足使者敬俯

李西涯有門生歸省兼告養病還家西涯集諸人餞之卽席賦詩爲贈汪石潭詩成

汪俊字器之弋陽

人官至刑部侍郎

中聯云千年芝草供靈藥五色

流泉洗道機衆傳訖以爲絕佳西涯將後句抹去  
令石潭重改衆愕然不知何故以爲未善西涯曰  
歸省與養病是二事今兩句單說養病不及歸省  
便是偏枯石潭請西涯改之西涯援筆書曰五色  
宮袍當舞衣

高皇帝召高則誠

高明字則誠居崇儒里博學洽聞

仕元終福建行省都事弟誠字則明亦有文名時

號雨難

以疾辭使者以則誠作琵琶記上進上覽

之曰五經四書譬諸五穀不可無此記乃珍羞之屬俎豆之間亦不可少

孫慎行

字聞斯武進人進士及第官至禮部尚書

於

天寧寺遇靜峰峰一日揭佛說四十九年無一字可說是第掃世人說見乎抑亦有不能說者乎或



說而謂未嘗說乎孫低徊荅曰真無一字可說也  
峰急曰何不亢聲高言因曰思而知慮而解是鬼  
家活計莫恁低徊着

馮元成道琅琊

王世貞也

有蓋世才而無得於道色

澤雖妍名理未徹雅語累句不能檢鏡聾瞽易悅  
恐後世難欺耳

客問馮元成北地

李夢陽字獻吉慶陽人家大梁登

進士授戶部主事倡爲古文辭爲天下作者之首

冠爲人氣高節挺孤立峻視故用鼎顛蹶卒不寢  
起終提學副使著空同集行世子枝舉進士爲工  
部主事  
崛起復古偉矣七子  
王世貞等  
離之悍然  
鷗張以古自負何也馮曰彼知古而不知所以古  
也古人之文語質詞簡氣外溢而神內葆今者巧  
矣浮矣氣索而神泄矣何以古哉

張幼于所撰自敘多列縉紳上自宰執下至簿尉林  
林也文子悱笑謂此可稱前後縉紳一覽不似讀

王劔尊聞

卷之三

書人作用

文元發字子悱令浦江神明惻怛民尸

祝之歷郡丞歸築遠心樓衡山草堂位置閒雅陳  
列圖史藝鼎誦讀其間暇則招賓客徜徉名勝素  
不解飲盃僅沾唇及爲酒令能顛倒豪飲者至懜  
然醉鄉以爲樂間衣裘衣行遊里社目豎若電鬚  
張如戟口棘棘然無熟軟語里中服不衷者學無  
聞者皆走匿曰我愧見文先生旣沒陸宗伯謚曰  
端靖先生

唐一卷

唐樞字子鎮號一卷歸安縣人登進士爲刑

部主事疏論李福達事免官奮誌聖賢之學從者  
甚衆見地高深飭躬實踐著木鍾臺集行於世遊

鴈宕羅漢洞與僧勝通談甚洽語次通曰別欲徙  
淨土唐曰莫淨於此通曰洞中滴水作業障唐曰  
直徙到阿鼻地獄不肯住通便作禮而謝

楊維禎豪於文

維禎別見

天下爭奔走王葵常與忤

論議不相假作文妖詆之謂維禎文狐媚以黛綠

玉劍尊聞

卷之三

十三

曼衍惑人

藝字常宗嘉定人行最高文最工明朝

徵聘未及馮時可月爲深隱

沈周晚歲名益盛客益衆造百客堂每近暮必張筵

四方人各令述所聞書於簡曰客座新聞

周字啓

南自號石田長洲人務讀書不應舉精於畫內行

甚備

宋登春吟咏無長篇

登春字應元趙郡新河人壯歲

顛髮卽白自稱海翁晚居江陵之天鵝池更號鵝

平生始慕俠能挽彊馳騎間爲小詩會一歲間妻  
子女五人俱死仰大嘆曰天乎將驅我於埃壙之  
外乎遂囊書遠遊大放厥詞挾二童子呼爲丹砂  
白石最後至江陵遍謝故所往來人斥二童子不  
知其所之有少之者宋曰我布衣也安用滔滔莽

莽爲古詩三百惟雅誦有長篇彼述先德陳時事  
固宜然乃列國諸風里謠巷詠發乎情止乎禮義  
惡用長今贈送登臨諸作皆風也彼齷齪者窮謏

極媚多其輦輓以羔雉媒介當路此豈我隱者事

王梨遊鶴城會周叔夜談學

周思兼字叔夜號萊峯

華亭人舉進士治平度州有惠政終廣西督學副

使著述甚富

王曰我字兩戈相向最不可有者我

也最難克者我也叔夜躍然遂與定交

周萊峰曰吾於窮通得喪無復嬰情獨未豁然於死

生耳王弘宇曰學如用兵須從險處設關據守然

後可下城邑子未悟死生則且以生爲樂於窮通

得喪能不嬰情哉

王曾爲觀燈咏至六七十首悲

成享年之識遂咏至百首則亦未了然於生死矣

馮元成舟過石門潭艤而登觀蒼崖翠壁懸瀑數十

丈飛珠瀆雪令人神骨俱清魏居敬曰山中之氣

正如夜氣令人將喜怒哀樂心腸蕩洗俱盡元成

曰朝廷訟堂亦何嘗有喜怒哀樂心無所著雖喧

亦寂心有所著雖寂亦喧清氣靜境在我靈臺不

在山水



包子柳喜書間有異本卽僻巷環堵必徒步相訪得  
之則分命左右繕寫手自摘錄垂丙夜不休客至  
散帙縱橫几案間幾無所布席而了不爲異

包標

芳字子柳嘉興人位至學憲孫鴻達登進士爲湘

潭令

陳繼儒嗜古藏異冊每欣然指謂子弟云吾讀未見  
書如得良友見已讀書如逢故人吾性樂賓客而  
憚妨尤庶幾仗此其可老而閉戶乎

羅倫每下筆爲文章文思泉湧不能遏輒自作語曰  
還用你不著

倫字彝正永豐人領鄉薦赴春闈遭

火患僅獲免成化中舉進士第一授翰林院修撰

會大學士李文達遭喪朝廷留之倫上疏陳起復

之非落職提舉泉州市舶司召還尋以疾辭歸開

館受徒日以註經爲業邑有山名金斗在葛山中

倫與從學者築室讀書其中未數日中嵐氣而卒

吳與弼

字子傳號康齋崇仁人父溥國子司業與弼

倡明正學遠近尊信忠國公石亨上疏褒薦睿皇  
帝禮聘至京授左春坊左諭德終弗就職所爲詩  
文積中發外清明峻潔常以兩手大指食指作圈  
曰令太極常在眼前

馬敬臣

馬卿字敬臣林縣人登進士選庶吉士官至

副都御史

在翰林與穆伯潛

穆孔暉字伯潛堂邑

人登進士選庶吉士累遷南京太常寺卿卒贈禮

部侍郎謚文簡

崔子鍾同業每開卷二人方齋疑

致思敬臣卽指摘大義得言外之趣伯潛笑之曰  
君如馬看花焉得香色及二人有悟不出敬臣  
所見

李夢陽讀書斷自漢魏以上聞人論古昔有不解事  
卽曰豈六代以還書耶蓋不之讀故其詩文卓爾  
不群

蔣山卿

字子雲儀真人以進士授工部主事毅皇帝

南狩伏闕疏諫幾斃杖下謫南京前府都事嘉靖

初復原官仕至廣西叅政歸以博極群書文名最著  
**見祝允明** 國寶新編曰允明字希哲號枝山生

而右手指枝因自號指枝生蘇州人舉鄉試學務  
帥古吐辭命意迥絕俗界書法精工海內索其文  
及書者接踵或輦金幣至門允明自貴輒以疾辭  
不見然允明多醉妓館中乞文及書累紙可得玩  
世不羈嘗傳粉黛從優伶酒間度新聲憚近禮法  
之儒仕至應天通判著罪知浮物野記語怪蘇材

小纂諸書數百卷

撰建康觀雲記吐舌下之曰文

不在茲乎偏才曲學真河伯未離龍門難與言水  
也顧璘賞其知言

璘別見爲歌詩與劉麟朱應登

齊名曰江東三才子

徐禎卿幼精文理不由敎迪著交誠感暮賦諸篇詞  
旨沉鬱長宿驚嘆稱爲文雄

禎卿字昌穀蘇州人

舉進士貌侵善屬文著談藝錄與北地李夢陽友  
善歷國子監博士

三  
文皇帝邊楊相等

相泰和縣人歷刑部主事

二十五

人爲庶吉士與一甲曾棨等三人

棨字子棨永豐

人授修撰博學能文章工書法有遠使至稱善飲  
酒有司推能伴飲者得一武弁猶恐不勝棨請往

三人默飲終日遠使已酣武人亦潦倒棨爽然復

命上笑曰無論文學此酒量豈不爲狀元耶官至

少詹事兼侍讀學士贈禮部侍郎謚襄敏

進學翰

林曰二十八宿周忱自陳年少有志進學帝特許

之時人謂之挨宿

趙大洲

貞吉號也

見何吉陽

何遷字懋益德安人嘉

靖間進士記聞該博喜談性命之學爲文章與還

可傳歷官刑部侍郎

吉陽問曰大洲這些時何故

全不講大洲曰不講吉陽曰若不講何所成就大洲曰不講就是我成就處

陳嗣初以文章擅名翰林見同官於碑誌中敘還金事太繁曰使繼爲之則十二字耳曰嘗得白金於



道伺其主而還之

宗臣嘗從吳國倫一再論詩不勝覆酒盂嚙之裂歸  
而淫思竟日夕至喀喀嘔血

臣字子相興化人成

進士累官福建督學副使

張昇

字啓昭南城縣人登進士第一在翰林劾奏萬

安尹直劉吉萬喜詞甚激直左遷南京工部員外

累陞禮部尚書卒贈太子太傅謚文僖

歸省彭教

郊餞以詩寓譏諷意云何用有才如董賈不愁無

命到公卿或謂去其上二言只作五言詩可爲教  
挽詞未久果卒

教字數吾吉水人廷試第一歷翰林院修撰侍講

林院修撰侍講

羅汝敬文學有可稱于謙嘗戲汝敬閉於空室令作

詩三十韻放之既成于與時賢共看咸服其敏

汝

敬吉水人成進士累官工部侍郎

王敬美

王世懋字敬美世貞弟也登進士累官太常

寺少卿能詩文工行楷尤爲倫理重名謚居官好

為條教煩不至與著閩部疏二函委談學圖雜疏  
等書

不諱言二氏學恒謂吾於兩廡饗亡所貪苟  
陰用其實而陽詆其名或假竊其似而自文其陋  
者俱耻之

何仲默在中書自館閣諸縉紳與四方學士人人願  
見車馬填門巷不絕仲默德性醇明言儀雍雅杯  
酒談笑間詩文便就

何景明字仲默號大復信陽

人年十九登進士授中書舍人敦尚節義每亢言

尊顯往學上家爲文自六朝後日益靡靡敝矣明  
初尚襲元習至仲默與李獻吉始一變趨古時稱  
何李或稱李何歷官提學副使

黃省曾走謁王文成陽明洞天歸而著問道錄自謂

得王氏玄珠

省曾字勉之蘇州人舉鄉試辭章有

重名

徐禎卿怪揚雄反騷作反反騷

雄別見

殷雲霄居常不談人過及論文則指摘疵瑕不以一

言假人

雲霄字近夫壽張人舉進士作菁艾堂聚

書旦夕誦思多所著述集誌發錄金僕姑雅好游

眺官工科給事中

孫紹先爲文每當意盡能別發義會旨聚辭轉相承

成紹先字汝宗代州人舉進士歷翰林院檢討日

視不能及遠書經目不忘治經不皆川傳曰古者

以行爲言故其文簡而中後人以言爲行故其文

煩而憶昔孔子之作盛矣然及莫乃爲之爲之僅

歲而成彼爲傳注之學者自壯至老而見猶未定也其皆聖人之意耶

上元日中使傳旨命劉定之製詩却立以俟定之據案筆不停揮賦七言四句詩百首以進

定之字主

靜永新人天資絕人廷試第三授翰林院編修數

上書言事官至禮部侍郎入內閣卒贈尚書謚文

安

胡松博古不倦

松字汝茂滁州人成進士歷官吏部

尚書其督學山西時上疏言邊事皆切中大計爲

文體格嚴峻卒贈太子少保謚莊肅

曰爲學如儲

積然所積既富雖水旱盜賊用之不窮

按胡松清

正此說未爲得也

御史聞桑悅名數召問謂曰匡說詩解人顧子有是

乎曰悅所談玄妙何匡鼎

鼎匡衡小字

敢望卽鼎

在亦解贖

匡衡諸儒語曰無語詩匡鼎來匡語詩

解人顧

李于鱗爲作者冠王元美與齊名相爲鼓儻敬美始  
就草質于鱗于鱗擊節賞之呼爲小美曰真才子  
也伯仁不虞燎鬚耶元美曰是夫沾沾醉鄉否幾  
及矣

晉周顗字伯仁安城人尚書僕射弟嵩字仲

智從事中郎仲智飲酒醉謂伯仁曰君才不如弟  
而得重名舉蠟燭火擲伯仁伯仁笑曰何奴火攻  
固出下策耳

米仲詔

米萬鍾字仲詔以好奇石故號友石錦衣衛



人成進士官至太僕寺少卿居身儒雅長於書法

兼有詞藻

以勾園景剪之爲燈山水亭臺纖悉具

備都人士以爲奇稱米家燈競爲韻語紀之呂玄

韜

呂邦耀字玄韜錦衣衛人成進士官至太常寺

少卿

按休文四韻各賦一章章皆玄詣

沈約字休

文左日重瞳子腰有紫痣聰明過人博通群籍善  
屬文所著四聲韻譜自謂在昔詩人累千載未及  
作而獨得其妙若將入神梁武帝問曰何謂四聲

約荅曰天子聖哲官至中軍將軍并陽尹卒益曰

隱

任少海

任瀚字少海南充人官吏部郎有文名

意不

可於世而自負其奇一日謂陳玉叔曰吾文可傳  
於千百世之下乎陳曰卿能追古人於千百世之  
上自可傳於千百世之下

陳文燭字玉叔沔陽人

父栢井陘兵備副使文燭舉進士好文學有風流

官至大理卿

玉劍尊

陳玉叔愛歷下

李于鱗也

蒼龍半掛秦川雨石馬頻

嘶漢苑風之句後過內鄉李子田病石馬不能嘶

風玉叔言華山舊誌漢陵靈異時作風雨聲子田

始然之

李蓺字子田內鄉人成進士歷翰林院檢

討弟蔭並得世舉

宋濂嘗奉制詠鴈七舉足卽成

濂字景濂金華人自

稱曰牛生元至正間入龍門山著書名龍門子高

皇帝徵至金陵授江南儒學提舉歷學士承旨上

嘗與濂飲濂辭上強之至三觴面如赭行不成步  
上歡笑親御翰墨仍命侍臣咸賦醉學士歌曰俾  
後世知君臣同樂若此日本使奉勅請文得潛溪  
集刻板國中上嘗曰古之人太上爲聖其次爲賢  
爲君子宋景濂事朕十有九年未嘗有一言之僞  
誚一人之短寵辱不驚始終無異其君子者乎非  
止君子抑可謂賢矣卒謚文憲

雪浪小崑山演暢法華陸宮保八十五矣扶筇藏閣

親與和尚掄揚酬答塵尾所及如雷如霆緇庶讚  
觀得未曾有

胡公

胡宗憲字汝貞績溪人山進士宰益都餘姚擢

御史按浙禦倭寇屢奏功進參都御史尋進兵部

侍郎總督江南北閩廣七省兵馬悉平倭寇加尚

書少保宗憲倣儻濶達臨事有成畫奮身先士卒

人服其氣

燕將士爛柯山上酒酣作樂命沈明臣

作鐃歌鼓吹十章既就公看至狹巷短兵相接處

殺人如草不聞聲矍然起將沈鬚曰何物沈郎雄

快若是直視陳孔璋輩猶小兒

明臣字嘉則四明

之標社人舉秀才居恒風流自命東方兵興胡辟  
置幕下雅見敬禮善談名理標格翩翩詩文居然  
大家魏畧曰陳琳字孔璋廣陵人曹公愛其才琳  
草檄文成曹卧讀之頭風疾愈

吳伯宗爲翰林院典籍高皇帝製十題命賦草成呈

上詞語峻潔上曰伯宗才子賜織金錦衣

伯宗名

祔以字行金谿人洪武初開科取士舉進士第一人除禮部員外郎上書論胡惟庸辭甚剴切博學能文章官至武英殿大學士

劉球文詞鏗鏘金春玉應人共寶之如月嬋天犀球

字廷振安福人舉進士爲翰林院侍講時應詔陳十事王振怒令馬順殺之獄中球天性忠孝議論堅正常依名節景皇帝卽位謚忠愍贈翰林院學士二子針鉞皆成進士球之死也餘姚人成器於

龍泉山巔爲壇以祭而建古今權如審正凡二千  
餘言爲文哭之人名其地爲祭忠臺

陳白沙

陳獻章字公甫新會人身長八尺目光如星

右臉有七黑子狀如北斗自幼穎悟絕人嘗夢拊  
石琴一偉人笑謂曰石音難諧今諧若是子異日  
得道乎舉鄉試閉門讀書數年乃遊太學祭酒邢  
讓試和楊龜山此曰不再得詩得獻章詩驚曰龜  
山不如也由是名振京師歸益潛心大業四方來



學者衆布政使彭韶都御史朱英交薦徵至京師  
授翰林院檢討得請而歸獻章德器渾成事母至  
孝與人交一于厚修撰羅倫稱其觀天人之微寃  
聖賢之蘊充道以富尊德以貴天下之物漠然無  
動其中也以為知言進士姜麟曰為活孟子萬曆  
中詔從祀孔子廟庭謚文恭

以周易疑義質之吳

康齋吳曰過清江可叩龍潭老人

陳海雍也

白沙

如其言往謁適龍潭雨中簑笠犁田乃延至家與

之對榻信宿辯析疑義白沙嘆服而去龍潭語見  
輩曰吳康齋非愛我者

陳真晟云

真晟字剡夫自號布衣鎮海衛人年十七

八卽能自拔於俗務爲聖賢踐履之學兩詣闕下  
上書皆無所遇骨格高聳神氣肅清望之非塵埃

中人

大學誠意爲鐵門關難過主一二字乃其金

鑰玉匙也

賀欽爲給事中見白沙論學嘆曰至性不顯寶藏猶

羅世卽用我而我奚以爲用卽日上疏解官歸  
字克恭遼東人世稱醫間先生子士諮舉人博學  
篤行終身不仕

鄒智

字汝愚合州人登進士簡爲庶吉士雅負奇氣

與人寡合處事慷慨星變上疏極論陰陽之理欲  
退萬安劉吉尹直而用王竑王恕彭韶下錦衣衛

獄左遷廣東石城千戶所吏目卒於順德

居龍泉

菴食掃樹葉蓄之然以代燭讀書達旦

荆川篤信朱元晦一日倏云吾覺朱子解書無一句

是者

宋朱熹字元晦婺源人父松不附和議因仕

入闕熹穎悟粹美初從劉子羽居崇安後從延平

李侗學復徧交當世有識士遂得聖道之宗中進

士第主泉州同安簿累遷煥章閣待制侍講領鴻

慶宮祠平昔進疏忠誠懇切蒞職勤敏復白鹿洞

書院引進士子與之講論置社倉劾唐仲友爲兵

部郎與侍郎林栗論劾不合行經界法著述諸經

傳解四書集註及編述鑑綱目小學楚辭等書後  
世學者宗師之自絕學以來集諸儒之大成發先  
聖之秘蘊熹一人而已晚年以野服見客卒諡曰  
文追封微子從祀孔子廟庭

方西樵予告南歸

方獻夫字叔賢號西樵南海人舉

進士爲吏部員外郎引疾歸十餘年自家上疏議  
大禮罷侍講學士進少詹事禮部侍郎尚書改吏  
部敘募武英殿大學士辦事內閣僉事龔大綏許

獻大罪御史馮恩復論獻夫奸邪請歸卒賜太保

謚文襄

劉銳往候之

銳字汝中壽光人父明戶部

尚書兼謹身殿大學士謚文和銳八歲憲廟召見  
文華殿拜中書舍人恐牙牌傷損以銀易之嗣後  
不時召見門殿深遠非人相之未能自行時楊遂  
菴先授中書朝暮引之出入楊方欲交友授徒彈  
棊酌酒動爲所妨每手銳太息曰此童累我年十  
四五後性不喜華如戴新烏帽則著敝素袍不則

穿隔歲韓同列先至公署者每相謂曰劉省長來  
上新則中舊中新則下舊中下俱新則上舊已而  
果然衆乃大喙陞大理寺副致仕復任陞尚寶司  
丞楊石齋薦管制敕陞卿太常寺少卿卿御製朝  
陵詩用康字群臣和者明康惟康熙庶事康之外不  
能更道一辭銳獨引遺塚存康事或問之銳曰成  
祖疏拓陵地惟留寶康褚三姓塚聞者屈伏改兼

翰林院五經博士回籍卒家多聚書

見命屬吏書

繳銀圖書疏止之曰大臣不以仕否異心公又受  
恩獨隆林下有一得之見非此莫達前正統間三  
楊曾帶之回矣楊榮楊溥別見遂口誦三疏斟酌  
用之圖書得不繳及典籍呈原稿與所誦隻字不  
差方但遇客卽稱銳善記

劉銳劉棨

字世信長洲人祖鉉少詹事贈禮部侍郎

謚文恭棨以恩生授中書舍人官至太常寺卿兼

翰林院侍書

辦事兩房

內閣東西列制勅房誥勅



房博知舊典時人謂之二劉

呂文懿

呂原字逢原秀水人賜進士及第第二人授

編修官至直內閣翰林院學士卒贈禮部侍郎謚

文懿

修宋元通鑑續編考一事不獲不憚者累昕

夕一日考得之謂門人曰進我二階不若得此可

喜

陳白沙在吳康齋門下旣受業忽悟曰學貴自得苟自得之則古人之言我之言也遂築春陽臺日靜

坐其中

周洪謨讀書偶有所得輒闡明剖析積久成帙名爲  
辯錄自謂是發經傳之蘊正先儒之失破千載之  
惑洪謨字堯弼長寧人古第一甲進士授編修在

翰林多所建白爲祭酒議增孔子籩豆舞佾之數  
及拜禮部尚書言璿璣玉衡蔡傳不得其制改造  
以備占候卒謚文安維揚誌曰洪謨中鄉貢日舟  
泊邗江夜見一人謂曰吾卽子之前身也子終身

清要洪謨曰子何人對曰吾友鶴丁山人洪謨官翰林日以詩訊太守三原王侯恕曰生死輪迴事杳冥前身幻出鶴仙靈當年一覺揚州夢華表歸來又姓丁侯得詩訝訊郡之耆老羅文錦曰友鶴山人吾友丁宗啓之父以詩名家元末隱處沒于成都儒雅有德人也侯以此報洪謨世以爲異

倪鴻寶

倪元璐字玉汝號鴻寶上虞縣人進士改翰

林院庶吉士今古詩文新潤奇崛名重士林舉體

無俗有誌道義事功所上陳時政疏侃侃孜孜累  
官戶部尚書兼翰林院學士是時師旅繁興經費  
無藝加以水旱所在告災元璫出入有度一切濫  
妄悉禁勿予四方租賦不加然而國用足於加賦  
時流寇破京城整冠帶望闕拜復南向拜老母遂  
自縊衆僕尚欲解之一老僕跪於旁哭止之曰此  
吾主成名之日矣賊至驚拜相戒不敢犯其室順  
治中謚文正  
**與黃石齋**  
黃道周字幼玄號石齋福

建鎮海衛人舉南宮讀書中秘學問淵博文章瑰  
異常以所著書數十卷進呈烈皇帝御覽手自鈔  
錄極其精楷入仕二十餘年被服朴素儼然儒生  
乃其忠義激發貫日垂天累遷禮部尚書兼學士  
國變不屈與師恢復兵至執而殺之

文章並麗金

獲妙天下而需齋易蘊功詣復齊石齋則有黃圖  
鴻寶則有見易人曰兒古字倪也千秋開繼其爲  
倪易乎鴻寶曰未也通微取聖牖蒙取兒正如杜

陵胥鈔

杜甫曰詩聽小胥鈔

樂天姬問

唐白居易

字樂天其先太原人徙華州下邳敏悟絕人擢進士拔萃皆中補校書郎對制策一等累遷左拾遺事無不言對殿中論執彊鯁歲滿當遷聽自擇官居易請以學士兼京兆戶曹參軍詔可拜左贊善大夫有言居易母墮井死而居易賦新井篇言浮華無實行出爲州刺史追貶江州司馬累官太子少傅進馮翊縣侯會昌初以刑部尚書致仕卒贈

尚書右僕射謚曰文居易以直道奮多爲當路擯  
斥所蘊不能施乃放意文酒東都所居履道里疏  
沼種樹構石樓香山鑿八節灘自號醉吟先生常  
與胡杲吉旼鄭據劉貞虛直張渾狄兼謨盧真燕  
巢人慕之繪爲九老圖與嵩山僧如滿爲空門友  
平泉客韋楚爲山水友劉夢得爲詩友皇甫明之  
爲酒友暮節惑浮屠道尤甚稱香山居士居易於  
文章精切最工詩每作詩問老嫗曰解否嫗曰解

則錄之不解則易之初與元稹誦詠號元白稹卒  
又與劉禹錫齊名號劉白使性道近如布菽蒙人  
說枯有時

康海

海別見

爲文脫去近習嘗云古人言以見誌故

其性情其狀貌求而可得焉昔人陶則陶

晉陶潛

字淵明或云字深明名元亮尋陽柴桑人大司馬

侃之曾孫少有趣宅邊有五柳樹著五柳先生

傳起爲州祭酒自解歸後爲彭澤令郡遣督郵至



縣吏白應束帶見之潛嘆曰我不能爲五斗米折  
腰向鄉里小兒卽解印綬去職賦歸去來辭以見  
意屢徵不就賦詩飲酒貴賤造之者有酒輒設潛  
若先醉便語客我醉欲眠卿可去郡將候潛逢其  
酒熟取頭上葛巾漉酒畢還復著之嘗九月九日  
無酒出宅邊菊叢中坐久之江州刺史王弘送酒  
至卽便就酌醉而後歸不解音聲而蓄素琴一張  
屢酒適輒撫弄白以曾祖晉世宰輔耻復屈身後

代所著文官告題其年月義熙以前明書晉氏年  
號承初以來惟云甲子世號靖節先生其妻翟氏  
誌趣亦同夫耕於前妻鋤於後

杜則杜韓則韓唐

韓愈字退之南陽人擢進士第操行堅正鯁言無  
所忌累官博士才高數黜乃作進學解以自諭執  
政竒其才改比部郎中進中書舍人爲裴度行軍  
司馬平蔡遷刑部侍郎憲宗遣使往鳳翔迎佛骨  
入禁中愈上表諫貶潮州刺史至潮以表哀謝帝

頗感悔乃移袁州初愈至潮問民疾苦皆曰惡溪  
鱷魚食民畜產且盡愈令其屬秦濟以羊豚投溪  
水而祝之祝之夕暴風震電起溪水數日水盡涸  
徙六十里自是潮無鱷患召拜國子祭酒鎮州亂  
殺田弘正而立王延湊詔愈宣撫歸轉吏部侍郎  
卒贈禮部尚書謚曰文愈性明銳不詭隨與人交  
終始不少變成就後進士往往知名經愈指授皆  
明韓門弟子每言文章自漢司馬相如太史公劉

向楊雄後作者不世出故愈深探本原卓然植立

成一家言

柳則柳

唐柳宗元字子厚河東人精敏

絕倫爲文章卓偉精緻一時輩行推仰第進士博

學宏詞科累遷禮部員外郎王叔文得政引入禁

近與計事叔文敗坐貶永州司戶徙柳州刺史時

朗州司馬劉禹錫得播州宗元曰禹錫有母年高

今播往復萬里如何與母偕行卽草章奏請以柳

州授禹錫自往播州會裴度亦奏其事因改連州

世號宗元柳柳州既沒柳人懷之妄以爲神廟於

羅池而韓愈撰碑以實之

咸自成家今不能自立

傷人門戶效顰

強學人曰效顰莊子曰西施心病

而顰其里之醜人見而美之亦捧心而顰

學步

班

固傳云有學步於邯鄲者

誌意性情畧無見焉無

乃類諸譯人也耶

譯傳夷夏之言而轉告之也王

弼曰北狄曰譯東曰寄南曰象西曰狄韃周官總

譯之象胥今俗謂之通士

君子不鳳鳴而鸚鵡言

陋矣哉 鸚鵡能言鳥郭璞云舌似小兒有白者赤

者五色者凡鳥四指三指向前一向後此鳥兩指

向後

康德涵母劬鄂杜王敬夫爲誌銘 王九思字敬夫鄂

縣人歷翰林院檢討劉瑾敗謫壽州判官 北郡李

獻吉爲表臯蘭段德光爲傳 段晃字德光蘭州人

進士歷翰林院檢討

數公爲文稱子西涯呼爲子

字股

錢牧齋 錢謙益字受之號牧齋常熟縣人舉進士一

甲三名授編修文才俊逸亮直有風力以是非爲

已任位至太子太保禮部尚書起禮部侍郎內翰

林秘書院學士 與文太清 文翔鳳字天瑞號太清

三水縣人進士官至光祿寺少卿 王文水 王象春

字季沐號文水兵部尚書象乾從弟也進士累官

南京吏部考功司郎中 譚文左掖門下 左掖門大

內午門左魏闕 各持所見斷斷不相下牧齋曰子

亦知道家結胎之說乎古之學者六經爲經三史

六子爲緯

三史史記前後漢書六子周老子列子

禦寇鄭人能御風雨行莊周蒙人嘗爲蒙漆園吏  
著書率寓言荀子卿字況趙人遊學於齊三爲祭  
酒適楚爲蘭陵令漢揚子雄字子雲成都人好學  
博覽爲人簡易佚蕩口吃不能劇談默而好深湛  
之思清靜無爲少嗜欲成帝時召待詔承明之庭  
除爲郎給事黃門以耆老久次轉爲大夫恬於勢



利劉棻嘗從雄學作奇字王莽卽位投棻四裔辭

所連及便收不請時雄校書天祿閣上恐不能免

乃從閣上投下幾死有詔勿問年七十一卒隋文

中子王通字仲淹祁人父隆以國子博士待詔雲

龍門著興衰要論七篇出爲令退歸不仕通幼篤

學有濟蒼生之心西遊長安見隋文帝奏太平十

二策公卿不悅不用退居河汾教授再徵不至及

卒門弟子

人會議謚文中子

包孕陶鑄精氣

結轡發爲詩文譬之道家聖胎已就飛伸出神無  
所不可今人認俗學爲古學安身立命於其中凡  
胎俗骨一成不可變望其輕身霞舉其將能乎

高啓爲文精采煥發於詩尤工

啓字季迪長洲人元

末張士誠竊吳自王其上佐饒介之羅致文學知名士爲幕客啓首冠焉高皇帝卽位召修元史授翰林院編修史成拜戶部侍郎辭歸環觀守郡徙郡治乞啓文上梁衛帥誣有異誌逮罷大辟聞者

惜之

與按察使楊基

基字孟載無錫人

寺丞張羽

羽字來儀烏程人元末領鄉薦授安允書院山長

洪武中仕至太常寺丞署翰林院同掌文淵閣事

坐事謫戍嶺南未至召還自沉於江

布政使徐賁

賁字幼文長洲人

號吳中四傑

朱平涵

朱國禎別見

與許敬菴

許孚遠字孟中號敬

菴德清人登進士歷官至兵部侍郎生平質直孜

孜惟以講學爲務嘗謁江陵問及馬政響應無窮

江陵深心契焉卒贈工部尚書

譚升沉事平涵曰

先生以銓部轉僉事聞報時意下若何曰也有兩  
日~~不~~徐曰若在今日則否平涵因先生前句  
是真話後句倒多了同坐者相顧愕然敬菴顏色  
自如曰正是學問相長處

萬鹿園如京師

萬表字民望號鹿園寧波衛指揮官

至南京後府僉書好以醫藥濟人

趙文肅訪之郊

外與之談禪議論蘊涌鹿園不答文肅歸大喜語

人曰僕今日降却萬鹿園與之談論鹿園不能措一語陸平泉聞而笑曰此是鹿園降却趙公何言趙公降却鹿園也

陳勲拈筆造次必擇言不爲近語

勲字元凱閩縣人

繼鄉會榜歷文學博士戶部郎歸終日不出戶搯  
搯筆研間聞客聲卽走其友董應舉嘲曰世皆如  
子直須以環堵爲天地卽日月山川皆爲空設矣  
勲笑不爲意多材字畫皆精妙

卷之三